

# UPM anjur Temasya Keris dan Budaya Warisan Melayu

**KUALA LUMPUR 30 Sept.**

- Orang ramai berpeluang mendapatkan maklumat mengenai budaya dan warisan Melayu khasnya berkaitan seni keris, persenjataan serta busana tradisional Melayu melalui Temasya Keris dan Budaya Warisan Melayu yang berlangsung di Muzium Warisan Melayu, Universiti Putra Malaysia (UPM) di sini.

UPM dalam satu kenyataan memaklumkan, temasya berkenaan berlangsung selama tiga hari bermula semalam dan merupakan pertama kali dianjurkan Fakulti Bahasa Moden dan Komunikasi dengan kerjasama Muzium Warisan Melayu dan Yayasan Warisan Negara.

“Temasya ini dibahagikan kepada tiga komponen iaitu akademik, kemahiran dan

pameran. Contohnya, bagi komponen akademik seramai lima panel profesional yang mempunyai kepakaran dalam bidang masing-masing akan mengadakan pembentangan,” kata kenyataan itu di sini hari ini.

Temasya berkenaan bakal dirasmikan esok oleh Penasihat Sosiobudaya Kerajaan, Tan Sri Dr. Rais Yatim.

Tambah UPM, temasya berkenaan turut menampilkan pameran khas iaitu Jejak Langkasuka yang memperkenalkan koleksi hasil seni ukiran pengukir kayu tersohor negara, Norhaiza Noordin, Allahyarham Nik Rashidin dan Ilse Noor.

“Selain itu, aktiviti selingan seperti acara sukan rakyat dan pengisian lain turut diadakan sepanjang program dijalankan,” katanya.